

Woas dr Muhme Zettn a dr Stoahdt boassiert is

De Muhme Zettn is anne Lemmdfrooe,¹⁾ se gitt as Land.²⁾ Se hoht ihre gudn ahln Kun'n, und se wörd o ihre Woare meest lus.

Eemo ging se o su mit an vullgepfropptn Troifurbe dorch de Stoahdt — su a Kurb waigt monchmo seine fuffzg Pfund — und a dr linkn Hand hatte se de Aehle ('s woar ju a Metr, abr mer soin ju oalländchn³⁾ no Aehle. Su lechte luffn mir'ch a dr Abrlausig ne glei woas neues uffdräng, mer hahln garne a brinkl an ahln feste).

Mit dar Aehle, die se doo su woogeraicht hillt, wie a Drasn de Goardereitr 'n Sabl, wenn se zu Fusse ging, toat se dmmr festeweg Lehr a de Lost gieksn. 's ging'ch su bessr; 's federt o wörflich miehr, wemmr su mied'n Hänn 'n Benn annoochhalft tut! Wie se nu su a eeneweg übr ihrn dickn Bauch nundr uhfm Boden guckte und achtche goab, wie ihre Fisse, ennr dm annern, undrn Rohk avür foam, doo frickt se uhf eemo an tüchtge Schraik, dar 'r glei bies a de grufße Ziehne fuhr — mit ihr'r Aehle woarsche nämlich dorch anne Kindrwoinploane⁴⁾ dorchgesablt!

Doas woar 'r ju nu siehre fatahl! 'n Kinde hohts zen Gelicke nischt getohn, abersch Kindrmadyl fing ganz murdsmaßg oa ze schimpfm, wie a Kuhrspersch!

De Muhme Zettn wulltr ju glei dann Zimmt fer die lädierte Ploane gahn und goab'r völl gude Wuhrte, abersch Kindrmadyl machte ne mitte, doas soite: „Nich wahr, ich möchte die Sache glei hier auf der Stelle abmachen, daß de Herrschaft glauben soll, mei Anton von der fünften Schwadron wär mir mit'n Säbel durch die Plane gestoßen, und ich hätte nich acht gegeben aufs Kind? Dadraus wird nichts;

¹⁾ Leinwandfrau, ²⁾ auf das Land hausieren, ³⁾ überall (aller Enden)
⁴⁾ Kinderwagenplane